

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

XVII. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie Chriemhilt ir man klagte.

XVII. Auentiure.

Do erbiten si der nahte. vnt foren vber Rin.
von heleden chunde nimmer. wirs geiaget sin.
ein tyer daz si da slugen. daz weinten edeliv kint.
ia muosin sin engelten. vil gote wigande sint.

Von grozer vbermoete. muget ir nu horen sagn.
vnt von starker rache. do hiez Hagen tragn.
Sivride den herren. von Nibelunge lant.
for eine kemenaten. da man Chriemhilde vant.

Er hiez in also toten. legn an die tor.
daz si in da solde vinden. so si der gienge for.
hin zer mettine. e' daz ez werde tac.
der diu frowe Chriemhilt. deheine selten verlac.


Man lvote da zem munster. nach gewonheit.
do wachte diu frowe. vor ir manige meit.
si bat ir balde bringen. licht unt ir gewant.
do chom ein kameräre. da er Sivriden vant.

Er sach in blotes roten. sin wat was elliv naz.
daz ez sin herre wäre. niht enwesser daz.
hin zer kemenaten. daz licht tvog an der hant.
von dem vil leider mäere. sit vrov Chriemhilt ervant.

Do si mit ir vrowen. zem munster wolde gan.
do sprach der kameräre. ia sult ir stille stan.
ez lit vor dem gademe. ein ritter tot erslagn.
da begunde Chriemhilt. harte vnmäzliche klag.

E' daz si recht erfunde. daz ez wäre ir man.
an die Hagenen vrage. denchen si began.
wier in wolde vristen. do wart ir erste leit.
ir was alle ir freuden. mit sime tode wider seit.

Do seich si zu der erden. daz si niht entsprach.
die schonen freudelosen. ligen man do sach.
der edeln frowen iamer. wart unmazen gros.
do erschre si nach unchreste. daz al diu kemenate erdos.



Do sprach ir gefinde, was ob es ist ein gast.
daz bloot ir vzem munde, von hercen iamer brast.
si sprach es ist Sivrit, der min vil lieber man.
es hat geraten Prunhilt, daz es hat Hagene getan.

Div frowe bat sich wisen, da si den rechen vant.
si hoop sin schone houbet, mit ir wizen hant.
swie rot er was von bloote, si het in schier bechant.
do was missewarwe, des chunen degenes gewant.

Do rief vil iamerliche, div kuniginne mitt,
owe mir miner leide, none ist dir din schilt.
mit swerten niht verhowen, dv list ermorderot,
vnt wesse ich wer daz tate, ich riet im immer sinen tot.

Allez ir gefinde, chlagt unt schre,
mit ir vil lieben frowen, wande in was stanche we,
vmbe ir vil edeln herren, den si da heten verlorn,
do het gerochen Hagene, harte Prunhilde zorn.

Do sprach div iamerhaste, man sol hin gan,
† vnt wechen die Sivrides man,
vnt sol oveh Sigemunde, disiv mare sagen,
ob er mir helfen welle, den herren Sivriden chlagen.

Do lief ein bote balde, da er ligen vant,
die Sivrides helede, von Nibelunge lant,
mit disen leiden maren, wachter manigen man,
die sprungen ane sinne, vil balde von ir betten dan.

Oveh kom der bote schiere, da der kunic lac,
Sigemunt der herre, des slafes niht enflac,
ich wan sin herce im sagete, daz im da was gesehn,
ern mohte sinen lieben svon, lebnden nimmer me gesehn.

Wachet herre Sigemunt. wande ir solt balde gan.
ze Chriemhilt miner frowen. der ist ein leit getan.
daz ir vor allen leiden. an ir herce gat.
daz sult ir klagen helfen. wandez iech sere bestat.

Dof rihte sich do Sigemunt. er sprach was sint diu leit.
der schonen Chriemhilt. di do mir hast geseit.
der bote sprach mit iamer. si mooz von schulden chlagen.
ia ist von Niderlanden. der chüne Sivrit erslagn.

Do sprach der herre Sigemunt. lat daz schimpfen sin.
vnt also bosiv märe. von dem sone min.
daz ir daz saget iemen. daz er si erslagn.
wande ich en chunde in nimmer. vnz an min ende verklagn.

Vnt welt ir niht gelouben. daz ir mich höret sagn.
ir moegt wol selbe hören. Chriemhilde klagn.
vnt allez ir gesinde. den Sivrides tot.
vil sere erschrach do Sigemunt. des gie im grözliche not.

Mit hundert sinen mannen. er von den betten sprach.
si zochten zo den handen. diu scharpfen wafen lanch.
si liefen zo dem wofe. vil seneliche dan.
do chomen tusint rechen. des chunen Sivrides man.

Do si so iamerliche. die frowen horten chlagen.
do wande sumeliche. si solden chleider tragn.
iane mohten si der sinne. vor leide niht gehabn.
in was vil starchiv swere. in ir hereen begrabn.

Do chom der kunic Sigemunt. da er Chriemhilt vant.
er sprach owe der reise. her inditsee lant.
wer hat mich mines kindes. vnt iech iwers man.
bi so guoten friunden. vergebne ane getan.

Gen solde ich den bechennen. sprach das edel wip.
holt enwrde im nimmer. min herce vnt och der lip.
ich getät im als leide. das die mage sin.
mit iamer moesen weinen. das wizet von den schulden min.

Sigemunt mit armen. den fursten umbesloz.
do wart von sinen friunden. der iamer also gros.
das von dem starchen wose. palas vnt sal.
vnt och die stat ze Wormz. von ir weinen erschal.

Done chunde niemen trosten. das Siurides wip.
man zoch v3 den chleidern. den sinen schonen lip.
den edeln kunich riche. si leiten vf den re.
do was von grozem iamer. sinen luten allen we.

Do sprachen sine rechen. von Nibelunge lant.
in sol immer rechen. mit willen unser hant.
er ist indirre burege. der iz da hat getan.
do ilten nach gewesen. alle Siurides man.

Die v3 erwelten rechen. mit schilden chomen dar.
einlief hundert rechen. die het an siner schar.
Sigemunt der herre. den Siurides tot.
den wolde gerne rechen. des gie im wärliche not.

Sine wessen wen si solden. mit strite bestan.
sine tätens Gunther. vnt sine man.
mit den der herre Siurit. an das geiägede reit.
Chriemhilt si sach gewasent. do was ir grosliche leit.

Swie starch ir iamer wäre. vnt swie gros ir not.
do vorhte si so sere. der Nibelunge tot.
von Gunthers mannen. das si ez vnterstunt.
si warnt si gütliche. so frivnt noch liebe frivnde tvont.

Do rief die iamerf riche. min her Sigemunt.
wes welt ir beginnen. ir enift niht rehte chunt.
ez hat der chunich Gunther. so manigen chunen man.
ir fit verlorn alle. welt ir mit strite si bestan.

Mit of erburten schilden. ze strite was in not.
Chriemhilt die frowe. bat vnt och gebot.
daz si miden solden. die rechen vil gemeit.
ob si niht wenden chunde. daz wäre ir bedenthalben leit.

Si sprach herre Sigemunt. ir solt iz lazen stan.
vnt iz sich baz gefvege. so wil ich minen man.
immer mit ir rechen. der mir in hat benomen.
würde ich des bewiset. ich sol in schädliche komen.

Ez ist der vbermweten. hie bi Rine vil.
da von ich ir des strites. raten niene wil.
si habent wider einen. ie wol driizech man.
nu laz in got gelingen. als si an vns gedienet han.

Ir sult hie beliben. vnt dolt mit mir die leit.
so ez tagen beginne. ir helde vil gemeit.
so helfet mir besarchen. den minen lieben man.
do sprach die degene. daz sol werden getan.

None chuondiv niemen. daz wnder wol gesagn.
von rittern vnt frowen. wie man die horte klagu.
do wart man des wofes. inder stete gewar.
vil der burgäre. die chomen gahende dar.

Si klagten mit den gesten. wande in was starche leit.
die Sivrides schulde. in niemen het geseit.
wa von der edele reche. verlur den sinen lip.
do weinten mit den frowen. der guten chawflote wip.



Smide hiez man gahen. bewrchen einen sarch.
von edelm märmelsteine. vil michel vnt starch.
man hiez in vaste binden. mit gespenge goot.
do was al den loten. harte trurich der moot.

Die naht die was zergangen. man sagt iz wolde tagen.
do bat die edele frowe. zu dem munster tragen.
den vil edeln toten. ir vil lieben man.
swaz er da frivnde hete. die sah man weinende gan.

Do man in zem munster brahte. vil der glocken chlane.
man horte von den psaffen. vil michel gefane.
do chom der chunic Gunther. mit den sinen man.
mit im der grimme Hagene. zu dem wose gegan.

Er sprach vil liebiv swester. owe der laide din.
daz wir der starchen leide. niht mohten ober sin.
wir mozen klagn immer. den sinen schonen lip.
daz twot ir ane schulde. sprach do daz iamerhafte wip.

Wär ir dar umbe leide. sone wär es niht geschehn.
ir hetet min vergezen. des mage ich wol nu ichn.
da ich da wart gescheiden. von mine lieben man.
daz wolde got von himele. wär es mir selber getan.

Dir ist von minen loten. leides niht geschehen.
sprach der kunic Gunther. des wil ich dir veriehn.
die wellen sin vnschuldich. die heizet naher gen.
sprach si zu der bare. daz wir die warheit versten.

Daz ist ein michel wnder. vil dicke es noch geschiht.
swa man den mort meilen. bi dem toten siht.
so blotent im die wunden. als oveh da geschach.
da von man die schulde. da ze Hagene gesach.

Die wunden vlyzen sere. also si taten e'.
die e' da sere chlageten. des wart nu michel me.
do sprach der kunich Gunther. ich wilz ouch wizen lan.
in slogen schachäre. Hagene hat es niht getan.

Si sprach die selben schach man. sint mir wol bechant.
got laz iz noch errechen. siner frunde hant.
Gunther vnt Hagene. ia habt ir ez getan.
die Siwrides rechen. heten do zestrüte wan.


Do sprach aber Chriemhilt. nu dolt mit mir die not.
do chomen dise beide. da si in funden tot.
Gernot ir bruder. vnt Giselher das kint.
in triwen si in chlageten. mit den andern sint.

Si weinten innekliche. den Chriemhilde man.
man solde messe singin. wo dem munster dan.
giengen allenthalben. man. wip. vnt kint.
die sin doch lihte enbaren. die weinten Siwriden sint.

Gernot vnt Giselher. sprachen swester min.
nu troste dich nach lode. als ez doch mooz; nuo sin.
wir wellens dich ergezen. die wil unt wir gelebn.
done chunde ir trost dechein. zer werlde niemen gegeben.

Si sarch der was bereitet. vmben mitten tac.
man hob in von der bare. da er vof lac.
noch enwolde si den rechen. lazen niht begraben.
des musen al die lode. vil michel arebeite habn.

In einen richen pfellel. man den toten want.
ich wäne man da iemen. ane weinen vant.
do chlagete hercenliche. Vnte ein edel wip.
vnt alles ir gefinde. den sinen wätlichen lip.



Do man daz gehorte. daz man zem munster sanc.
vnt in gefarchet hete. vil groz wart der gedranc.
durch willen siner sele. was opfers man do truoch.
er hete bi den vinden. gwoter frivnde doch genvoch.

Do man da gote gediente. daz volch hoop sich von dan.
do sprach div kuniginne. irn solt niht eine lan.
mich hinte bewachen. den voz erwelten degn.
ez ist an sine libe. al min freude gelegn.

Dri tage unt dri nahte. wil ich in lasen stan.
vnz ich mich wol geniete. mins vil lieben man.
was ob daz got gebivtet. daz mich och nimt der tot.
so wäre wol verendet. min armer Chriemhilde not.

Zen herbergen giengen. die lote von der stat.
pfaffen vnt mveniche. si beliben bat.
vnt allez sin gesinde. daz sin von rehte pflac.
si heten naht vil arge. vnt och vil mvlichen tac.

Ane ezzen vnt ane trinchen. beleip da manic man.
die ez nemen wolden. den wart daz chunt getan.
man gabes in den vollen. daz schvof Sigemunt.
do was den Nibelungen. michel arebeiten chunt.

Die drie tagecite. so wir horn sagn.
di da singen chunden. da si mvsn tragen.
vil michel arebeite. durch ir hercen ser.
si baten vmbe die sele. des rechen chven und her.

Urbor vf der erden. div teiltes indiv lant.
swa so man div chloster. vnt gote lote vant.
och hiez si gebn den armen. der sinen habe genvoch.
si tet dem wol geliche. daz si im holden willen truoch.

An dem dritten morgen. ze rechter messe zit.
so was bi dem munster. der chirchhof also wit.
von den lant loten. weinens harte vol.
si dienten im nach tode. als man lieben frivnden sol.

In den tagen vieren. ist uns gesagt daz.
ze drizzech tusint marchen. oder dannoch baz.
wart durch sine sele. den armen da gegeben.
do was gelegn ringe. sin groziv schöne. vnt och sin lebn.

Do gote wart da gedienet. vnt daz man da gesanch.
mit vngefugem leide. vil des volches ranch.
man hiez in v3 dem munster. zo dem grabe tragn.
die sin doch liht enbaren. die sah man weinen vnt klagn.

Vil lvote schriende. daz volch gie mit im dan.
vro enwas da niemen. weder wip noch man.
e' er begrabn wrde. man sanch unt las.
hen was der wisen psaffen. bi siner bivilde was.

E' daz zem grabe chöme. daz Sivrides wip.
do ranch mit solhem iamer. der ir getriwer lip.
daz man si mit wazzer. vil dicke da begoz.
ez was ir ungemwete. hart vnmäzlich groz.

Ez was ein michel wnder. daz si ie genas.
mit klage ir helfende. vil manic frowe was.
do sprach diu kuniginne. ir Sivrides man.
ir sult durch iwer triwe. dise genade an mir begau.

Lat mir nach mine leide. daz chleine liep geschehn.
daz ich sin schone hovbt. noch eines moze sehn.
do bat sis also lange. mit iamers siten starch.
daz man wider vf brechen. moose den herlichen sarch.

Do brahte man die frowen. da si in ligen vant.
si hoop sin schone houbet. mit ir wizen hant.
do chufles also toten. den edeln ritter gvot.
ir vil lichten ovgen. vor leide weinten do blvot.

Ein iämerlichez scheiden. wart do da getan.
man trooch die frowen dannen. sine mohte niht gegan.
do lac in unsinne. daz herliche wip.
vor leide moht ersterben. der ir vil wnekliche lip.

Do man den edeln herren. hete nu begravn.
leit ane mase. sah man die alle habn.
die mit im chomen waren. von Nibelunge lant.
vil selten wol gemvten. man do Sigemunden vant.

Do was der etelicher. der drier tage lanc.
vor dem starchen leide. niht az noch entranch.
doch enmohten si dem libe. so gar geschwichen niht.
si nerten sich nach iamer. so noch genvogen geschiht.

Chriemhilt unversummen. in vnchresten lac.
den tac unt den abent. vnz an den andern tac.
swaz iemen sprechen chvnde. daz was ir gar vnchunt.
inden selben nöten. lage ovch der kunich Sigemunt.

Vil chume wart der herre. wider zefinnen braht.
von dem starchen leide. chranch was gar sin maht.
daz enwas niht wnder. do sprachen sine man.
herre ir sult zelande. wir mugen niht langer hie bestan.